

西醫熱症總論

西醫內科大熱症總論一書，乃醫學切要之書也。查中土熱症，有出痧、出疹、出麻各名目，卽在小腸壞熱症，及能傳染熱症括之矣。蓋西醫於內科一道，考較尤精，卽可於辨大熱症與炎症細微之處，優拙自見焉。中土醫生，在手寸口切脈，爲能察出臟腑經絡，恐屬揣測之談。凡人週身皆有血脈流行，不過手寸處肉薄而易見，及無衣服遮蓋耳，致于診脈以指，而欲察其身之寒熱，固不如用寒暑針之的確。此其不及一也。平人臟腑各部功用若何，西醫則察識最真，因熱毒而功用變壞，查考無訛。比如肺部有發炎變壞，用聽察之法，以驗其輕重等類，又

中醫總不知有小腸合核單核、壞爛離落之故、及大小腸生瘡、穿破、各樣不同之情形、此其不及者二也、至腦部、胃部、皮部、各病狀、西醫用法、逐一查確、故可明白指示、中醫憑望聞問切以判症、此不及者三也、卽防免傳染之法、從未聞隔開病人、及查禁舟車、不許同住往來之法、此其不及者四也、其餘用藥調治、病後小心、種種認真、未能殫述、余非偏袒西醫、而薄視中醫也、誠以內科、必察臟腑、腦筋、血脈、功用、變壞、爲全體之樞機、故辨大熱症、特以表明內科之根原、而附辨各炎症情形、又爲諸病之根本、中醫非徒不識察熱之方、總由於未肯實心考究、虛心追索、以致陳陳相因、終歸自畫、縱有一二出類拔萃之才、明知

學不止此而亦隨俗浮沉不敢有所標白以表明于世良可惜
已余每與同門談及此事嘗謂中國有良方美藥不妨擇善從
長切勿固執亦望中邦醫士將西醫內科及西藥諸書細爲玩
索得其精微共臻濟世之功合乎神聖之旨而已茲既將大熱
症分門別類彙集成書而各症中之病狀有同有異逐一條列
及論寒暑針功用以助辨治之法俾醫家於察病之際識病情
進退判熱症安危且知常達變非賴有此針以權衡之將何以
得準憑而昭著也哉至於防禁傳染比諸痘瘡尤再三致意焉
中土病家往往不專信一醫每一兩劑不效卽更換醫生甚至
早晚不同者亦有延請數醫以診一症致爭論紛紛不能定奪

幸而獲愈，不知從何而得力，不幸致死，亦不明因何而致悞。西國病者，則始終信一醫生，在醫局則醫生經理一症，亦自始至終，每日用心查察，其中轉變情形，或愈或死，歷歷可考，死後驗之，更易明白。卽病家間有參之別醫，絕少朝更夕改者。有週年聘請一醫生，以醫理其一家者，或專請醫理一人者，故遇此等症，醫生時時察視，故熟悉其病之起止情形，熱狀加減，如兼炎復發等患，均能隨方應變，以施治之，故能返危爲安也。是書告成，幾費研思，幾經搜校，方付剞劂，非敢云盡闡西醫之蘊奧，而於內科本原之要旨，亦庶乎詳切著明矣。是爲序。

光緒七年

大美國醫生嘉約翰序於羊城博濟醫局

西醫熱症總論目錄

論止瘟疫傳染之法

遠離 通氣 檢點 潔淨 辟毒 食物 掃除 住居 用水 遷避 施救 禁止 理身 急治 防染

論查各熱症初起情形

論用寒暑針

察無病人身煖 察有病者身熱 助辨症 助判症 助治法 寒暑針圖式及用寒暑針點記圖格論說

辨明大熱症與炎症不同

熱症合論 熱症分論

論熱症血部腦漿病原

論輕熱症

論小腸壞熱症

察臟腑之壞

附腦部 心部

論起止情形

察顏容 腦胃皮部呼吸脈 身熱小便病期復發等日

辨症同異

判症安危

論起病調治之法

論各部受病治法

頭痛 咳嗽

甯睡 小便

識語

論腹部受病治法

腹瀉 小腸包膜發炎

大便結

腹脹有氣 流鼻血

瀉血

論初愈調理

起居 防染

論能傳染熱症

論臟腑之壞

論起止情形

察顏容腦胃皮部呼吸脈 身熱小便病期復發等目

論起病之由

辨症同異

判症安危

治法

論復發之熱症

又名飢荒後熱症

論流行之故

察臟腑之壞

病狀復發 顏容身熱

察脈小便 病期 臟腑兼發炎等目

判症安危

治法 愈後調理 免病復發

熱症撮畧

小腸壞熱症論畧 瘧疽論畧 出疹論略

能傳染熱症論畧 復發之熱症論畧 出痧論略 出水痘論畧

論霉毒氣

四時雨水時候

風力城邑

地方燒煤

樹木感受

論霉毒氣入臟腑串發情形

論避免之法

論瘡症

察臟腑之壞

病狀
間歇

發寒
小便

發熱
日期

發汗

論瘡症情形

論兼發炎與病後

判症安危

論治法

論截瘡

論應時輕重熱症

病狀

病期

治法

痘症

牛痘

種痘

水痘

痲症

玫瑰紅症

疹症

辨痲疹初起

血蛇症

大清廣東孔慶高筆譯

大美醫生嘉約翰校正

論止瘟疫症傳染之法

夫醫瘟疫其最要者乃設法令始終止於一人不使其一傳十十傳百以至於延蔓無邊者不但未病之家陰受其賜卽既病者獲益良多然何以能令始終集於一人而不延蔓哉其術誠仁術也固宜辨析而公諸世焉

遠離 分房別舍遠置病人於一室凡平人勿與同住無病親朋不宜謀面祇留一二服侍人以理病者房內之事至妙係每病人獨住一房如不能則每限二三人乃可其服侍人之衣巾

慎防染着病毒，更不宜往來於無病者之間，以免染人，其身體壯者，則罕能沾染。醫者每看病一次，亦須換衣、滌手，庶可保免其藥物亦須預備足用，以免頻相往來，致干傳染。此救免瘟疫相傳之一端也。

通氣 所住房屋，則須寬大，而兩邊窗門，則日夜不可關閉，或全開，或半開，則按天氣之寒熱可也。然須隨時留心，不可令病人因風感寒。設火爐若能燒換得宜，亦可爲通氣之一助焉。檢點 凡病所之布簾、地氈，及病人睡衣，一切服用各件，除緊用者之外，統宜收回，另貯別所，勿留於病屋，一則免其阻碍，亦免日久病氣侵染，令後之用物者，有遺禍焉。

潔淨 其睡房與衣服床被及身體皆須隨時洗潔焉倘有人
染受此症卽令彼勿呼吸其氣並勿將口水咽下急用水洗淨
其口並鼻孔亦須滌淨庶可免之

辟毒 凡一切有毒而可傳染之物皆須留心必使其不能傳
染於人此爲最要其第一應留心者乃其呼氣與其糞之穢毒
蓋此二氣乃由病人臟腑所發最易傳染而凡物由其皮外所
發者皆宜用法以解之卽用加播匿酸水以洗其身自可解矣
其房屋之氣亦有毒種可傳人者則用銻綠散或加播匿酸或
磺養酸水以灑其房內仍須在其房門口橫掛一布簾浸過加
播匿酸水以辟其毒免其散之於外病人之鼻涕口涎則用碎

布隨時擦去，卽將此布燒之，勿使人沾染。其大便固須另置一器以接之，而其器內亦須載有辟毒之物，並隨下隨將其器移出屋外。蓋病人之糞最應留心，不但此症爲然。大熱症及各熱症皆然，故能另設一病人廁所。而於其內多放解疫之藥物，則爲最妙。而最可辟毒者，莫如加播匿酸水，或散及錐綠散，或錐磺養散，或鈎綠散等藥。其垢衣則宜隨換隨洗，而衫盆亦放解毒之物。及於未脫下時，亦須用鈎綠散放在衣服內。而於洗時亦不可少。若換衣服，須服伺人幫換者，則其人亦宜帶有辟毒之物在身。及其地板、門窗各件，亦須隨時用辟毒之物，勻水以洗之，方免有沾染之禍。

食物 凡一切病人所食之物，卽如牛奶茶等件，若久置病人房內，則不宜與之食，而凡一切房外之人，更不可食之。

掃除 病人旣愈，一經遷出，必將屋內各處，用辟毒散勻水透洗之，其牆壁樓窗，皆須刷灰擦油，煥然一新，其辟毒散，亦可照上文各味用之，而其睡過之床，及被褥各件，則或晒透，或用火以烘焙之，自可去其毒氣，以上所云，皆保護一家之事，至於禁防一鄉一邑事宜，下文詳論之。

住居 凡家宅公署，皆宜潔淨，凡地板門樓各件，皆須隨時刷洗，牆壁掃灰水，不可逾時不淨，愈勤洗則愈佳，而一屋之內，不可聚處多人，務要通風，勿使氣積，其貧賤之家，尤爲當慎，蓋屋

密疊鱗衆如蜂蟻固宜早爲之所而分散之至公署之地而遇有染此症之人則刻卽令其就醫斷不容與衆共處而其宅內所堆積之穢物乃當急先料理者如能令其往外傾移則卽移之如不能則多放辟毒之藥以解之其溝渠滲井與廁所及通水等處皆須常常小心察看勿使淤積及其隔壁之穢物可以由地浸潤者亦應留心整理而於將積穢之物遷移時則凡一切人等皆應遠避宅內外須多置辟毒之物而於畧近積穢所在者尤宜多置焉

用水 凡日用之水最宜留心察看而用以烹調食物者尤關切要若有雜質腐物則切勿用之卽近於溝渠者皆不可用蓋

井泉不潔必用沙及堅炭末以隔之隔後仍須袋滾而用之此誠大熱症與瘟疫流行時所應謹慎者也

遷避 於有瘟疫之處則凡無病之人皆須遷往別處免受傳染之害

施救 遇一切瘟疫症將行之時若有救止之法當立刻施行以救之卽如遇痘症則宜種洋痘其在前未經種者固宜卽刻種之卽已經種或曾出過者亦須再種爲佳

禁止 凡瘟疫流行之處在港口舟船固禁往來而在城邑人民亦須避忌卽一家一戶亦有忌門之條標貼門首以令各隣皆知焉

理身 避瘟疫其最要者莫如自理其身保其壯健而凡一切能令耗神失力之事卽如酒醉與常食無益不鮮之物皆宜戒之而其服侍病者之人尤當擇強壯者其所食之物更須有益新鮮腹空時切勿與病人相近每日須於空曠處走動使得受空中之氣然又不可走至乏倦夜間須睡足而每日洗身尤不可懶惰

急治 凡人稍染瘟疫之病狀則應卽刻醫治勿使稍有遲延防染 凡遇有沾染此症之人則切不可令與無病者同羣故馬車路與輪船若載有瘟疫之人則事主該罰蓋此等人惟宜發往醫局另外治之庶免遺憾耳